



Ukiut qulit ingerlaneranni ilinniarfinni ilisimatusarfimmilu ilinniartitsisut ikinnerpaamik 80%-iisa kalaallisut ilinniartitsisalernissaat anguniarlugu periarfissat suunerinik Naalakkersuisut misissuinissaat pillugu Inatsisartunut aalajangiiffigisassatut siunnersuut. Misissuineq UKA2022-mi saqqumiunneqassaaq.
(Inatsisartunut ilaasortaq Doris J. Jensen, Siumut)
(Siullermeerneqarnera)

Nunatta pitsaannerusumik aningaasaqarnissaanut aqqummut ataqatigiilluinnarpoq, qularnaarsinnaalissagipput, inuit sulii amerlanerusut ilinniagaqalernerat taamaasillutik inuiaqatigiinni ineriartornermut peqataallutik. Allatut oqaatigalugu, ilinniarsimaneq pitsaannerusumik aningaasaqarnermut inuulluataarnerunissamullu aqqutissaavoq – inunntut ataasiakkaanut aammalu inuiaqatigiinnut.

Tamanna ilisimasaq nutaajungilaq, ilisimasarli pingaartuuvoq. Maani inersuarmi issiasut tamarmik tungaviatigut isumaqataapput, innuttaasut pitsaannerusumik ilinniarsimasut siunissatsinnut pingaaruteqartupilussuusut. Demokraatinut pingaartuuvoq, ataasiinnarmik toraakkamik ukkataqarata, ammajuarnerput, ilinniagaqarnerup qaffassarneranut suna suleqataaffigisinnaanerlutigu.

Inatsisartunut ilaasortap Doris J. Jensenip uuminnga siunnersuuteqarnermini kissaatigaa, misissuisoqassasoq, suliniutit suut pisariaqarnerisut, ilinniarfeqarfinni ilisimatusarfimmilu ilinniartitsisut ikinnerpaamik 80%-iisa ukiut qulit qaangiuppata kalaallisut ilinniartitsisinaalernissaannut. Demokraatit isumaqarput, pitsaalluinnartoq tamanna misissoraanni. Ajoraluartumimmi qularutissaanngilluinnarpoq, tuluttut qallunaatullu piginnaasakinnerit pissutaaqataasut, sulii ikippallaartut, ilinniagaqalertarnerannut. Kalaallisut ilinniartitsinerup kingunerisinnaavaa, amerlanerit ilinniagaqalernerat.

Taamatut oqareerluta demokraatiniik aaqqiissut pingaarnerpaaq pitsaannerpaarlutit tassaatipparput oqaatsinik allanik pitaasumik atuisinnaaneq matuersaataasoq, nunami pisuussutingut atorluassangukingit, nunarsuaq suleqatingisariaqaratsingu, niueqatingalungulu. Siunissamimi qulakkeertariaqarparput inuusuttangut oqaatsinik aporfeqaratik ilinniakkanik qaffasissunik tingusinnaanissaat tamannalu meeqqat atuarfianili qulakkeertariaqarparput.

Oqaatsit sakkussaraangut, Kalaallitsut oqaatsingut eriangalungillu erlingissuungut aammali ilisimaarissuarput taakkua atussallungit kisimik naammangimmata.

Ilisimatusarfitsinni nunarsuarmut unammillersinnaassusilimmik peqassangutta allamiut oqaasii piaartumik tuluit oqaasii annertuumik atorneqartussaapput. Tamanna avaqqussinnaanngilarput, ilisimatusarfimmimmi iternationaliusumi professorit, ilisimatuullu nunarsuarmi tamaniik ilinniartitsiartortuaannartussaapput taannalu aamma eriangisassaraarput mattunnaveersaangassarput.



Tassungalu atatillugu uatsinnut pingaartuuvoq naqissusissallugu, nunarsuaq siuariartuinnarmat, taamaattumillu pingaaruteqaraluttuinnassalluni kalaallit oqaasiisa saniatigut oqaatsinik allanik piginnaasaqarnissaq. Taamaattumik qulakkeertuartariaqarparput, meeqqat atuarfianni tuluttut danskisullu atuartitsinerup pitsaaneruleralluttuinnarnissaa imaasillugu, meeqqat inuusuttullu amerlanerpaat meeqqat atuarfianit anisussanngorlugit oqaatsinut taakkununga piginnaasaqarluarlutik, taakkumi ilinnialernissaminnut periarfissaannut pitsanngorsaataasussaammata.

Siunnersuut paasinnilluta Kultureqarnermut, Ilinniartitaanermut, Ilisimatuussutsimut Ilageeqarnermullu ataatsimiititaliami suliarineqarnissaanut innersuupparput.